

貴州文庫編輯出版委員會

大定府志

第二九冊

貴州出版集團 貴州人民出版社



貴州文庫編輯出版委員會

大定府志

第二九冊

貴州出版集團

貴州人民出版社



大定府志卷之五十七

外篇七

知大定府事鄱陽王允浩原本

知大定府事河曲黃宅中重輯

詩第十九上 文徵七

李京

字景山河間人大德中官烏撒烏蒙宣慰副使又見職官傳詩一首○以下元

過七星關

七星關上一回頭遙望鄉關路阻修欲向雲山攀北斗
不辭鞍馬過南州兩巖塹壁連天起一水漂花出洞流
聞道清時無瘴癘行人經此不須愁

馮福可

詩一首

七星關

點蒼何蒼蒼環以西洱河百年雨露恩詎敢煩天戈轅
門振烏撒衣帶踰牂柯巨險久已平故關尚陂陀云胡
七星名亦復垂不磨

白

經詩一首。以下明。

梁臺

地老天荒遺舊臺礎殘碑斷鏤新苔禽聲時作笙簫響
花影留爲錦繡裁

林辰

正統中畢節衛指揮
又見耆舊傳詩三首

豐樂鄉

野老杖藜山徑裏
牧童吹笛晚風前
要知擊壤聲中事
社酒新筍樂醉眠

靈峯

靈峯秀異卽蓬萊
蒼翠玲瓏似剪裁
紅樹白雲圍藥竈
琪花瑤草足丹臺
採芝人語松邊徑
騎鶴仙留石上苔
際此悠悠忘世慮
絕勝劉阮到天台

秋暮東關晚眺

平原極目望長天
宿鳥歸鳴楓樹前
雙井曲流禪榻外
兩橋橫鎖衛城邊
居民南北隨行止
爨戶崎嶇幾萬千
草木已今霜降後
一番新景待明年

王守仁

字伯安號陽明諡文成餘姚人正德初謫官龍場驛丞詩一首

六廣曉發

初日瞳瞳似晚霞雨痕新霽渡頭沙溪深幾曲雲藏峽
樹老千年雪作花白鳥去邊迴驛路青巖缺處見人家
遍行奇勝纔經此江上無勞羨九華

楊慎

字用修號升菴成都人嘉靖初謫戍金齒流寓黔中詩十八首

赤虺河行

君不見赤虺河源出芒部虎豹之林猿猱路層冰深雪
不可通千尋建木撐寒空明堂大廈採梁棟工師估客
穿蒙龍此水奔流似飛箭縛筏乘桴下蜀甸黯淡灩澦

險倍過海洋流沙爭一線誰驅鳥鵲役黿鼉秋濤夏潦
息盤渦柏亭雲屏濟川手奠民枕席休干戈安得修爲
夷庚道鐫刻靈陶垂不磨

雪關謠

雪關謠述途人思何將軍也將軍名卿成都人

雪山關雪風起十二月斷行旅霧爲箐水爲臺馬毛縮
鳥鳴哀將軍不重來西路何時開

鳥撒寒

鳥撒天元雲簇雪爲林水爲谷脫火龍髯縮金鳥足鳶
跼溪毒淫羊腸坂詰屈四載難以乘橈五技詎能緣木
獨行裊裊况瘁人向曉欲投何處宿

九定府志 卷五
羅甸曲四首

山圍羅甸國水繞滴澄橋橋下東流水可惜無蘭橈
蠻樹不凋葉蠻雲不放晴長亭望不見何處是查城
寒鐙闕孤館陰雲鎖重城長夜恒思曉久雨恒思晴
林間山胡鳥聲聲啼我前何似故園裏花亭聞杜鵑
翠屏山
水峽風烟接大洲翠屏青嶂遶丹邱當年若使王猷見
那肯輕回雪夜舟

羅甸吟

苴蘭方號鬼貴竹甸名羅牛涔枉稱海駿坂猶題坡林

餘楚筆輅枝識漢牂牁久戍勞行惻天高奈若何

繩橋

度索尋橦國升猱引狄形俯窺愁淨綠仰睇失空青
雨過苔絙濕風來箐霧腥天將限夷夏何用罪坤靈

層臺驛

陡坡千百磴破店兩三家濕竈薪無焰磽田飯有沙
瘦兵宵泣血猛虎晝磨牙行路難如此羈愁一倍加

箐口關

箐口關何險山頭路更賒凌兢磨旋蟻屈曲陣蟠蛇
官舍惟孤舍人家無一家客心何處切夕照閃歸鴉

九定府志 卷五
畢節簡蔡席二廣文

鶉衣裹凍身荒館夜難晨冷榻誰相伴寒鑪獨可親窮途千慮失天遠四愁新夢裏兒童戲醒來倍愴神

烏撒喜晴

易見黃河清難逢烏撒晴陰霾旣已豁險道况復平蜀日杳千里滇雲惟十程江花與江草異國看春生

山行口占

曉霧迷山徑蠶叢覓去踪拂衣依翠竹攬轡遶蒼松澗口波聲急枝頭鳥語冲浮雲頻聚散舒捲任西東

烏撒九日

百年身世苦辛行九日登臨感慨生鴻雁未傳滇海信
茱萸偏動蜀山情空庭露白羣鴉散古木霜黃獨鶴驚
尊酒相思搖落地江湖不隔夢歸程

七星關橋

架閣盤巖嵌碧空驅山鞭石讓元功金梁玉柱撐天漢
雪浪銀濤抱雨虹襟帶平分黔蜀險名關合占楚滇雄
登來彷彿臨雲浦不信飄流遂轉蓬

程 燧

建昌人嘉靖中官
鎮遠知府詩一首

龍潭夜月

玉盤出東海到處清光被况直山上池久爲靈物寄冰

輪浴金波靜影沉空翠怪得潭底蛟擬作明珠戲

萬士和

字思節諡文恭宜興人嘉靖中官貴州提學副使詩一首

烏撒道中

地當高處峯隨轉雲到窮時路更賒夏半火刀方布種
晚來牛馬不歸家瘴烟寒鎖蠻村樹嵐霧晴迷客子槎
干羽未能馴鬼國祇貪關市重鹽茶

周文化

貴陽人嘉靖四十三年舉人官鄧州知州詩一首

鴉關

戟列峯屯俯萬山雪乘鴉翅馬蹄艱一爲行省冠裳地
便是雄圖鎖鑰關使者銜恩通十部中飛檄走諸蠻

棄繻叱馭無人說何用長纓過此間

吳國倫

字明卿興國人隆慶中官貴州提學副使詩十九首

夜宿陸廣驛卽事成短歌

霖潦瀾瀾我行遲遲惡木參天猿狖晝啼陰陰空谷館
人何之荆莽在戶不瑾不離蝸煦我釜豸踞我垂僕夫
變色魑魅以隨刈薪指牀杵麥爲糜永夜難旦風雨淒
其失路奚悲絕糧者誰薄言詠歌聊以樂饑

陸廣道中

龍場西去羅鬼巢亂山無名倚天高聖朝鑿險通九驛
欲令徼外無腥臊石徑崔嵬綦莽布獸蹄鳥跡看如故

經過百里無人烟但見千巖萬巖上黃霧單車摧折奈
遠何攀梯躡磴迴盤渦氣候毒淫風景惡陸廣山前陸
廣河瘴波洶洶排山出兩岸猿聲哀落日驛署孤懸虎
豹宮人家半徙蛟龍窟虎豹蛟龍謾陸梁摩挲寶劍騰
精光不須結履從章亥赤足猶堪步八荒

宿谷里

石門風高千樹愁白霧猛觸羣峯流有客驅馳暮未休
山寒五月仍披裘飢烏拉杏搶驛樓迎人山鬼聲啾啾
殘月炯炯即吳鉤竹牀無眠起自謳
飯水西驛

相逢水西境大半鬼爲人鳥言難可解卉服日以親雜
繪裹頭銳如嶽鐵距杙枿猛相剝掉頭不應舍長呼望
見前旌亂吹角道傍側目窺繡斧將前復卻舌盡吐驛
亭跪進燕麥羹飽食且忘行役苦

次奢香驛因咏其事

我聞水西奢香氏奉詔曾謁高皇宮承恩一諾九驛通
鑿山刊木穿蒙茸至今承平二百載牂柯熨道猶同風
西溪東流石齒齒嗚咽猶哀奢香死中州男兒忍巾幘
何物老嫗亦青史君不見蜀道之關五丁神犍爲萬卒
迷無津帳中坐叱山川走誰道奢香一婦人

飯金鷄驛

金鷄山頭金鷄驛空庭芳草平如席瘴雨蠻雲天杳杳
莫怪金鷄不知曉問君遠遊將底爲脫粟之飯甘如飴
閣鴉行

我行渾入蠻王壘蠻兵被毳行且呼指點羅夷諸種落
延袤千里依皇圖厯厯重柵臨斷浦澼壘木樵密如堵
刀耕餘力射獵還磔鷄賽鬼撾鞞鼓蜀賈無時市蒟醬
漢使不復問邛杖欂下騎嘶笮馬肥園中醉擁熨姬唱
閣鴉回首複嶺橫連雲不斷如長城此中藏甲不知處
云是先朝靄翠營靄翠曾懸列侯印翊我高皇威獨震

遙傳一檄定西南
世世稱藩無血刃
豈其苗裔食故疆
金紫蟬聯澤未央
莫以彈丸誇險阻
修文天子今堂堂
阿落密歌二首

鼓子花開六月寒
烏丸稻熟且加餐
南人新解巴渝曲
荻管聲聲蜀道難

滇人未盡蜀人過
車馬如繩奈輾軻
莫以相逢非故舊
三杯同買聽夷歌

象鼻嶺

山形如象鼻
磴道擬蠶叢
筏渡千巖底
車旋萬石中
短亭微上月
鳴瀑遠生風
白髮悲行險
乾坤一轉蓬